

Dydd Mercher, 1 Rhagfyr 2004

AGENDA

Bydd y cyfarfod yn dechrau am 2.00pm

Eitem 1

Cynnig i ethol Pwyllgor Penderfyniadau Cynllunio

NDM2202 Karen Sinclair (De Clwyd)

Cynnig:

1. Bod Pwyllgor, a elwir y Pwyllgor Penderfyniadau Cynllunio (2) 2004-5 yn cael ei sefydlu, yn unol â Rheol Sefydlog 17 o'r Cynulliad, i gyflawni'r swyddogaethau, mewn perthynas â'r materion a nodir yn yr atodlen i'r cynnig hwn o dan adrannau 78 a 79(1), a 77(1) a 77(4) o Ddeddf Cynllunio Gwlad a Thref 1990.

2. Mai aelodau'r Pwyllgor hwnnw fydd:

Carwyn Jones AC (Cadeirydd)
Tamsin Dunwoody-Kneafsey AC
Alun Ffred Jones AC
Brynle Williams AC

3. Y bydd y Pwyllgor yn peidio â bod pan fydd Cadeirydd y Pwyllgor yn llofnodi'r llythyr penderfynu yn unol â Rheol Sefydlog 17.16 neu ar 10 Rhagfyr 2004, pa un bynnag sy'n dod gyntaf.

4. Os bydd y Pwyllgor yn peidio â bod heb i'r Cadeirydd lofnodi llythyr penderfynu mewn perthynas â'r materion a nodir yn yr Atodlen i'r cynnig hwn, y bydd y swyddogaethau a nodir ym mharagraff 1 uchod, mewn perthynas â'r cyfryw faterion, yn cael eu dirprwyo i Brif Weinidog Cymru.

Atodlen

**APÊL GYNLLUNIO GAN WINDJEN POWER CYF AR GYFER ADEILADU A GWEITHREDU
6 GENERADUR TYRBIN GWYNT A'R LLWYBRAU CYSYLLTIEDIG ATYNT, ADEILADU 1
ADEILAD RHEOLI; MAST MONITRO; MAN STORIO DROS DRO A PHYLLAU BENTHYG
YN FFERM LLETHERCYNON, GARTHRENGY, ABERHONDDU, POWYS.**

CAIS CYNLLUNIO A ALWYD I MEWN GAN CELTIC ENERGY CYF AM ESTYNIAD ARFAETHEDIG SAFLE GLO BRIG, GYDA GOLCHFA AR Y SAFLE, WEDI'I DDILYN GAN WAITH ADFER AC ÔL-OFAL YN EAST PIT, GWAUNCAEGURWEN, GER RHYDAMAN.

.....

Eitem 2

Cwestiynau Cyllid i Sue Essex, y Gweinidog dros Gyllid, Llywodraeth Leol a Gwasanaethau Cyhoeddus

Cliciwch [yma](#) i weld y cwestiynau

.....

Eitem 3

Cwestiynau i Carwyn Jones, y Gweinidog dros yr Amgylchedd, Cynllunio a Chefn Gwlad

Cliciwch [yma](#) i weld y cwestiynau

.....

Eitem 4

Datganiad gan y Gwir Anrh Peter Hain, Ysgrifennydd Gwladol Cymru

.....

Eitem 5

Dadl ar Araith y Frenhines

NDM2203 Karen Sinclair (De Clwyd)

Cynnig bod y Cynulliad Cenedlaethol:

1. Yn nodi cynnwys Rhaglen Ddeddfwriaethol Llywodraeth y DU ar gyfer 2004-05;
2. Yn croesawu'r ffaith fod dau Fesur ar gyfer Cymru'n unig wedi'u cynnwys yn y Rhaglen;
3. Yn nodi bod y Mesurau arfaethedig canlynol yn arbennig o berthnasol i gyfrifoldebau'r Cynulliad:
 - a) Mesur Loteri Genedlaethol (Y Pwyllgor Diwylliant)
 - b) Mesur Cydraddoldeb (Y Pwyllgor Cyfiawnder Cymdeithasol ac Adfywio)

- c) Mesur Addysg (Y Pwyllgor Addysg a Dysgu Gydol Oes)
- d) Mesur Ombwdsmon Gwasanaethau Cyhoeddus (Cymru) (Y Pwyllgor Llywodraeth Leol a Gwasanaethau Cyhoeddus)
- e) Mesur Amgylchedd a Chymdogaethau Glân (Pwyllgor yr Amgylchedd, Cynllunio a Chefn Gwlad)
- f) Mesur Lles Anifeiliaid (Pwyllgor yr Amgylchedd, Cynllunio a Chefn Gwlad)
- g) Mesur Trafnidiaeth (Cymru) (Y Pwyllgor Datblygu Economaidd a Thrafnidiaeth)
- h) Mesur Rheilffyrdd (Y Pwyllgor Datblygu Economaidd a Thrafnidiaeth)

4. Yn ailgyfeirio'r Mesurau uchod i'r pwyllgorau pwnc a nodir, i'w hystyried ymhellach, ac yn gofyn i bob pwyllgor roi adroddiad i'r Cynulliad cyn gynted â phosibl.

Cyflwynwyd y gwelliannau canlynol:

Yn unol â'r canllawiau diwygiedig ar Grwpio, Dewis a Gwrthod Gwelliannau, mae'r Llywydd wedi penderfynu grwpio'r gwelliannau canlynol at ddibenion trafodaeth. Bydd y pleidleisiau'n cael eu cynnal yn unigol:

- (1) + (2)
- (3) + (4)
- (5), (6) + (7)

Gwelliant 1 - Jocelyn Davies (Dwyrain De Cymru)

Ychwanegu fel pwynt 1 newydd ac ailrifo'r pwyntiau sy'n dilyn;

Yn galw ar Lywodraeth Lafur y Cynulliad i drafod â Llywodraeth y DU a oes modd rhoi blaenoriaeth i Ddeddf Llywodraeth Cymru newydd a fyddai'n gweithredu holl argymhellion Comisiwn Richard o fewn yr amserlen a nodwyd yn adroddiad y Comisiwn.

Gwelliant 2 - Jocelyn Davies (Dwyrain De Cymru)

Dileu pwynt 2 a rhoi yn ei le:

Yn nodi bod dau Fesur ar gyfer Cymru'n unig wedi'u cynnwys yn y Rhaglen ac yn gresynu bod y dagfa ddeddfwriaethol yn San Steffan yn atal cyflwyno mwy o Fesurau ar gyfer Cymru'n unig.

Os derbynnir Gwelliant 2 bydd Gwelliant 3 yn methu

Gwelliant 3 - David Melding (Canol De Cymru)

Dileu pwynt 2 a rhoi yn ei le:

Yn gresynu at fethiant Llywodraeth Cynulliad Cymru i sicrhau mwy na dau Fesur ar gyfer Cymru'n unig.

Gwelliant 4 - David Melding (Canol De Cymru)

Ychwanegu pwynt 3 newydd ac ailrifo'r gweddill yn unol â hynny:

Yn credu y byddai'r rhestr a ganlyn o fesurau ar gyfer Cymru'n unig wedi adlewyrchu anghenion a phryderon Cymru yn well:

- a) Mesur Diwylliant (Cymru) – i sefydlu Oriel Genedlaethol ac Archif Genedlaethol ar gyfer Cymru.
- b) Mesur GIG (Cymru) – i gyflwyno cynllun "pasbort y claf" er mwyn lleihau rhestrau aros.
- c) Mesur Addysg (Cymru) i annog datblygu ysgolion arbenigol yng Nghymru, gan ddechrau ag ysgolion Cymraeg ac ysgolion ieithoedd tramor modern.
- d) Mesur Tai (Cymru) – i alluogi grwpiau i sefydlu cronfeydd benthyca a chymdeithasau cymdogaeth er mwyn ceisio darparu tai mwy fforddiadwy.
- e) Mesur Gwyl Banc (Cymru) – i wneud Dydd Gwyl Dewi yn ddiwrnod gwyliau swyddogol yng Nghymru.
- f) Mesur Iechyd Meddwl (Cymru) – i ddiwygio'r ddeddfwriaeth bresennol a rhoi'r pwyslais at therapi yn hytrach nag ar gyfraith trosedd yn achos materion difrifol yn ymwneud ag iechyd meddwl.
- g) Mesur Darpariaethau Cyffredinol (Cymru) – i ganiatáu i faterion amrywiol y mae'r Cynulliad yn eu hargymell ar gyfer deddfwriaeth sylfaenol gael eu cyfuno mewn un Mesur.

Gwelliant 5 - Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn gresynu nad oes Mesur Llywodraeth Cymru yn bodoli er mwyn gweithredu argymhellion Comisiwn Richard i roi pwerau llunio deddfwriaeth sylfaenol i'r Cynulliad, ac yn galw ar Lywodraeth y Cynulliad i bwysu ar Lywodraeth y DU i gyflwyno un cyn gynted â phosib.

Gwelliant 6 - Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn nodi i'r Mesur Trafnidiaeth (Cymru), y mae Llywodraeth y Cynulliad wedi lobio amdano am 3 blynedd yn olynol, gael ei gynnwys yn Araith y Frenhines.

Gwelliant 7 - Kirsty Williams (Brycheiniog a Sir Faesyfed)

Ychwanegu pwynt newydd ar ddiwedd y cynnig:

Yn croesawu ymrwymiad Gweithrediaeth yr Alban i beidio â gwneud Cardiau Adnabod yn ofynnol er mwyn defnyddio gwasanaethau cyhoeddus sydd wedi eu datganoli yn yr Alban, ac yn galw ar Lywodraeth y Cynulliad i wneud yr un ymrwymiad ar gyfer Cymru.

.....

Eitem 6

Dadl fer -NDM2201 Janice Gregory (Ogwr); Cael Gwared ar Hiliaeth mewn Chwaraeon - Pob Math o Chwaraeon

.....

Rhagwelir y bydd y cyfarfod yn dod i ben erbyn 5.30pm

.....

E P Silk

Clerc y Cynulliad